



Saunia e Brooklyn P., 9 tausaga,
Iuta, ISA

I le tausaga ua mavae na ou filifilia ai se tusi i le faletusi e uiga i se teineitiiti na amataina sana tusigatala i luga o le initoneti [blog]. Na ou manatu o le a avea o se tusi fiafia ona o le tagata autu o le tusi ma te tupulaga, ma o lo'u tina o se tusitala foi i luga o le initoneti. O lea sa ou manatu ai o se tusi e mafai ona ou fesootai i ai.

Na faatoa ou faitauina ni nai itulau o le tusi ae tau fua e le teineitiiti le suafa o le Alii. Ou te lei lagonaina le fiafia i totonu ina ua uma ona ou faitauina lena vaega. Ae sa ou faitau pea, ma le faamoemoe o se mea na o le faa-tasi ona tupu. Sa ou faitauina ni nai itulau, ma sa ia toe faia foi.

Na ou alu ma ta'u i lo'u tina mea na ou mauaina. Ou te le'i iloa pe e tatau ona ou faitau pea pe leai. Sa fai mai lo'u tina o la'u filifiliga lena. Ae na ioe o ia atonu

e le o se mea lelei le faaauau pea ona faitau pe a fai e le teine mea na ma iloa e sese. Na fai mai lo'u tina aemaise lava pe afai na te ta'u fua le suafa o le Alii.

Sa ou manatu o le a sue pe toe tupu, o lea na ou sueina ai totonu o le tusi. Sa ou iloa o le ta'u fua o le suafa o le Alii o le auala lea e masani ona talanoa ai lenei teineitiiti. Sa ou filifili e toe faafoi le tusi i le faletusi e aunoa ma le toe faitauina.

Na ou lagona le faanoanoa ona ua tau fua e le tusitala le suafa o le Alii. Ae ina ua ou toe faafoiina le tusi i le faletusi, sa ou lagona le fiafia na ou faia le filifiliga sa'o. Ou te iloa sa ou mulimuli i le "O O'u Tulaga Faatonuina Faatalalelei" mai le tusi *Faatuatua i le Atua* o loo faapea mai, "O le a ou faitau ma matamata i na o mea e fiafia i ai le Tama Faalelagi." Ou te iloa e tatau ona tatou faaogaina suafa o le Tama Faalelagi ma Iesu ma le migao ma le faaloalo. ●

Pe Tatau Ona Ou Faitau Pea?

